



1920 – йисалай  
акъатзава  
№ 2 (10491)  
хемис  
19 – январь  
2012 – йис

WWW.lezgi.etnosmi.ru

Къимет “Дагпечатдин” киоскрай - 10 манат

Республикадин общественно – политический

Жуван Ватан, ватанэгълияр хуьх!

# ЛЕЗГИ Газет

Рейсавдилелди

Алатай йисан декабрдин эхирра Дербент райондин “Белиж поселок” муниципальный тешкилатдин къуд лагъай сеферда хянавай депутатрин Собранидин сад лагъай заседание хъана. Анал “Белиж поселок” МО-дин къил, депутатрин Собранидин председатель ва абурун заместительар хягъуниз талукъ месэладиз килгна.



Заседанидин къвалахда “Дербент район” муниципальный тешкилатдин къилин заместитель **Анвер ГЪАЖИМУРАДОВА** иштиракна.

Вири депутатри, рейсавдилелди сес гуналди, **ГЪАБИБУЛАЕВ Рамиз Гъабибулаевич** “Белиж поселок” МО-дин къилин къуллугъдал ва депутатрин Собранидин председателвиле хкъа хъува.

“Лезги газетдин” амадаг тир адаз къвед лагъай сеферда и къуллугъ ихтибар хъувун, чна риклин сидкидай мубаракзава.

Россиядин Федерациядин  
государстводин наградаяр гуни  
гъакъиндай

Россиядин Федерациядин  
Президентдин  
УКАЗ

Уьлкведин культура ва искусство вилик тухунин карда еке лайхлувилерай, гзаф йисара бергерлукаказ къвалахунай “Ватандин вилик лайхлувилерай” II дережадин ордендин медаль гун:

**ГЪАЙДАРОВА Барият Ильясовнадиз** - Россиядин культуранин работникрин профсоюздин Дагъустандин республиканский организациядин председателдиз.

Россиядин Федерациядин  
Президент **Д.МЕДВЕДЕВ**  
Москва, Кремль, 2011-йисан  
22-ноябрь, №1529.

Путинан тереф  
хуьзва

ПРОФСОЮЗРА

Нариман ИБРАГЪИМОВ

Накъ Дагъустандин профсоюзрин организационин сад авунвай Советдин заседание къиле фена. Адан къвалахда республикадин шегъеррин ва районрин жуьреба-жуьре идарайрин, карханайрин, майишатрин профсоюзрин организационин векилри ва гъакI Дагъустан Республикадин Халкъдин Собранидин Председателдин I-заместитель **Николай Алчиева**, “Сад тир Россия” партиядин региональный комитетдин векил **Абдулла Мамаева**, Дагъустандин гостехуниверситетдин ректор, Россиядин Федерациядин президентвиле кандидат **Владимир Путинан тереф** хуьнин штабдин начальник **Тагъир Исмаилова** иштиракна.

Заседание Дагъустан Республикадин профсоюзрин организационин Объединенидин председатель **Абдулла Мегъамедова** ачухна ва ада вучиз профсоюзри **Владимир Путинан тереф** хуьзватла, лагъана.

- Куьнни шагъидар я, Ельциналай гуьгъуьниз **Владимир Путинан** гъиле гъихътин уьлкве гъатнагIа. Ам саки чкъизвайди тир, амма Путинан чхуь уьлкве лап четин уламрай акъуддай, Россия дуюньядин майданда лайихлу дережадиз акъуддай къуватар,

► 2

## Вахтунихъ галаз кам-камуна аваз

Тагират ГЪАСАНОВА

Россиядин печатдин йикъан вилик журналист **Т.ГЪАСАНОВА** Дагъустан Республикадин печатдин ва массовый коммуникационин рекъый Комитетдин председатель **Умаросман ГЪАЖИЕВАХЪ** галаз гуьруьшмиш хъана. Абурун арада суьгъбет къиле фейи.

■ **Умаросман Гъайбуллаевич**, сифте нубатда заз ихътин са кардикай хабар къаз къанзава: куьне жуван къвалахдин югъ газетдилей башламишзавани?

- Эхъ, пакаман къилий за газетар къелзава. Сифтедай за абуруз са вил вегъезва, жув патал парквей хътин, мукъуфдивди къелун лазим тир материалар къейдзава. И къвалах авун патал хейлин вахт серф авун герек къезва. Газетарни журналар за гъиле къелем аваз къелзавайди я - им заз фадлай адет хъанвай кар я. Жуваз таъсир авур фикирар авай чкайрин къаникай



цар чIугъазва, къваларилай жуван къейдерни ийизва. И мукъвара за жуьреба-жуьре уьлквейра общественный телевидение гъикI тешкилнаватIа, гъадаз талукъ макъалаяр мукъуфдивди къелна. А материалрай заз менфятлу, хийир къачуз жедай хътин фикирар жагъана.

■ **Газетар къелунин адет жегъилрикни кутаз хъанайтIа, гзаф кутугай кар жедай. Къе газетар, журналар къелзавайбурун къадар тIимил хъанвайди сир туш эхир.**

- Дугъриданни, статистикади гъакъикъат ихътинди тирди тести-къарзава. Им са жегъилриз талукъ

кар туш. Чи республикада газетарни журналар къезивайбурун къадардиз талукъ делил санлай Россиядин юкъван делилдив гекъигайла къве сеферда, Татаристандив гекъигайла лагъайтIа, къуд сеферда агъузди я. Им вири обществоди къуватар сад авуна гъялна къанзавай чIехи месэла я.

■ **Милли газетар авай гъалдин патухъай вуч лугъуз жедат?**

- Къейдна къанда хъи, эхиримжи йисара милли изданийрин тираж, гекъигайла, агъуз аватзавач. Дугъри я, и барадай чавай риклик квай хътин дережайрив агакъариз хъанвач.

Инал чун маса месэладални расалмиш жезва: и ва я маса себбар аваз дидед чIал чизвай къарин къадар тIимил жезва. Дидед чIалар, акI хъайила, милли культура ва дагъустанвийрин адетар хуьнихъ элкъуьрнавай къетIи серенжемар къабул тавунмаз милли СМИ-рин месэла гъялиз хъун мумкин туш. Чна милли изданийриз вири жуьрейрин куьмекар

► 2

## Гъалиб хъайибур

КОНКУРС

Дагъустан Республикадин Сечкидин комиссияди 2011-йисуз массовый информациядин такъатра сечкирин темадай ва сечкириз талукъ законодательстводихъ галаз алакълу месэлайриз баян гунай журналистрин лап хъсан материалар патал конкурс малумарнай. Конкурсдин къилин везифа сечкириз талукъ месэлаяр журналистри дуьзгъундаказ, вири терефрихъай ачухун ашкъиламишуникай ибарат я.

И мукъвара журидин членри конкурсдиз теклифай къвалахрикай лап хъсанбурун тайинарна, республикадин Сечкидин комиссиядин председатель **Мегъамед ДИБИРОВА** конкурсда гъалиб хъайибурун тIварарни раижна.

ИкI, сад лагъай чкадиз ва дипломдиз “Дагъустандин правда” газетда сечкирин месэлайрай чап авур са жерге материалрай “Дагъустан” ГТРК-дин общественно-политический телевиденидин руководитель, “Дагъустандин правда” газетдин политикадин

месэлайрай баянар гудайди тир **Ильман Субханович АЛИПУЛАНОВ** лайихлу хъана. Юрист, “Дагъустан” РГВКГУ-дин “Правовое поле” телепередачадин автор ва ам тухузвайди тир **Дина Шугъабутдиновна БИЙГИШИЕВАДИЗ** авторвиле са жерге программаяр гъазурунай къвед лагъай чка ва талукъ тир диплом гана.

“Дагъустан” РГВКГУ-дин художественный вешанидин редакциядин редактор **Гуьзел Абдулнасировна ЗУРХАЕВА** РФ-дин Федеральный Собранидин ругуд лагъай созывдин Госдумдин депутатар хягъуниз талукъ видеоматериал гъазурунай, “Дагъустандин правда” газетдин отделдин редактор **Диана Владимировна СЕРЕГИНА** информациядин материалар гъазурунай пуд лагъай чкадиз ва талукъ тир дипломриз лайихлу хъана.

Конкурсда сад лагъай чка къур **И.Алипулатова**, вичин къвалахдиз виниз тир къимет гунай сагърай лугъуналди, къилди къачуртIа, ихътин гафарни алава хъува: “Сечкияр дуьзгъундаказ ва ачухдаказ къиле фин сечки-



риз талукъ месэлаяр журналистри эдеблудаказ ачухарунилайни аслу я. СМИ-рин асул везифа агъалияр общества къиле физвай вакъийрин патухъай дуьздаказ, гъиле-гъил аваз хабардар авуникай ибарат я. Идалайни гъейри, абур демократвилеин обществода властдин гъерекатарни гуьзчивилик кваз хуьниз мажбур я...”

Конкурсдин нетижаяр раиж авуниин мярекатдин эхирдай Ме-

гъамед Дибирова конкурсда иштирак авунай журналистриз сагърай лагъана ва абуру гележегда республикадин Сечкидин комиссиядихъ галаз мадн бегъерлукаказ къвалахдайдахъ умудлувал къалурна.

Чпин нубатдай яз СМИ-рин векилри чпин къвалахдиз дуьздаказ къимет гунай республикадин Сечкидин комиссиядиз ва адан руководстводиз сагърай лагъана.



ЭДЕБИЯТ

**СУЛЕЙМАН.** Эминан ширир чин тийизвай вилаятар тIимил я. Касги гуьлуьн а патарани кваз Эминакай хабар авайди я. Ада араб чIалал теснифзавайди тир. Вич къаз яз адаз къара жемиятдин риклерикай хабар авай. Яб це адан “Билбил” ширдиз.

► 17



ОБРАЗОВАНИЕ

Са варз идалай вилик Шимикуьре, и йикъара Аша ясли-бахчаяр ачухна. Алатай асирдин 40-йисара эцигнавай Куьрагърин школадин къванцин корпус ремонтна. И къвалахриз бюджетдай 20 млн.манат харжна.

► 18













# Гъетягъвийрин камаллу хва

ВИ РУХВАЯР,  
ДАГЪЛАРИН УЛКВЕ!

Вадим ЖАМАЛДИНОВ

Вич Сулейман-Стальский райондин гуьне патан Чехи хуьрерик акатзавай Уллу Гъетягъай тир **ШИХГЪАСАНОВ Александр Шихгъасанович** 1953-йисуз Махачкъала шегъерда къуллугъчидин хизанда дидедиз хъана. 1970-йисуз Уллу Гъетягърин хуьре юкъван школа куьтягъай гада Дагъустандин госуниверситетдин эцигунардай факультетдиз гъахна. 1975-йисуз университет яру дипломдалди куьтягъай Александр Шихгъасанов Махачкъалада эцигунардай идарайра инженервиле квалалахалай къуллукъ, Москвадиз квалалахал хуьтаха. Анани алакьунар авай жегъил санал тунач. Ам 1980-йисуз Олимпиада жедалди цийиз эцигна гъазурзавай энергетикадин, спортдин са шумуд объект хкажиз рекъе туна.



хай сифте килера дегишвилер гзаф хъана. Акъван чвалалди абурун гъвечи компанияди, килин подрядчик яз, Москвада 500 кВ-дин куват авай “Бескудниково”, “Чагино” подстанция эцигнай ва жуьреба-жуьре эцигунрин маса квалалахари тамамарнай. Алай вахтунда Александр Шихгъасанов “ЮТЭКС сервис” ООО-дин генеральный директор яз квалалахана.

ханади мад кве объект: Волгоградский областда 500 кВ-дин ва Тамбовский областда 220 кВ-дин куват авай подстанция эцигиз гъиле кунва. Алава яз, “ЮТЭКС сервис” ООО-ди Волгоградский, Воронежский областра яшайишдин къакъан мертебайрин квалерни эцигиз башламишнава.

Килинди “ЮТЭКС сервис” ООО-ди международный стандартдихъ галаз къадайвал квалалахана.

Чи ватангъилиди регъбервал гузвай карханадин килин кьетенвал ам я хьи, инин коллектив са шумуд йисан девирда арадиз атанва. Генеральный директор А.Шихгъасанова лугъузвайвал, абурун пешекарри яшайишдин еке метлеб авай объектар: АЭС Хурагуа (Куба), Смоленскдин АЭС, Москвада Сиясатдин хабаррин Агентство, Санкт-Петербургда Кеферпатан ТЭЦ, Новокузнецка, Астраханда ТЭЦ-ар, Московский областда Шатурский ГРЭС, яшайишдин квалер, школаяр, больницаяр хкажанава.

- Алай вахтунда карханада квалалахазайбурун къадар 400-лай виниз алатнава. Абурукай Чехи пай лап хъсан гъазурвилер авай пешекарар я. Идалай гъейри, лугъуза генеральный директорди, - чна гъамиша рабочийрин чирвилерни жуьреба-жуьре аттестацияр киле тухналди, ахтармишзава. Къейд ийин хьи, А.Шихгъасанова регъбервал гузвай и карханадихъ распределительный энергосистемадин идараяр эцигдай тежрибани хъанва.

Алай и муракаб девирда Дагъустандин кьегъал хва А.Шихгъасанов киле авай карханади Россиядин Чехи шегъерра гъукматдин важиблу объект хкажун, абур алай аямдихъ галаз къадайвал тадаракламишун зарафатдин кар туш. Са шакни алачиз чешне къачудай, тарифдай кар я. Вахъ мадни еке агалкъунар хуьрай, гъуьрметлу Александр Шихгъасанович!

# Зегъметдин гелер

ЧИ АГЪСАКЪАЛАР

Райсудин НАБИЕВ

**ХУЬРЕРИН** кимерал ва я инсанар кватI жедай маса чкайрал агъсакълари жегъилриз датIана алатай девирдикай, адан сиясатдикай, писни-хъсандакай суьгъбетар авун адетдин кардиз элкьвенва. Жегъилризни чеб яшамеш жезвай вахъ ва алатай девир гекъигдай мумкинвал жезва, чпи-чпикди веревирдер ийизва. Мисал яз, тек са хуьруьн майишатдал акъваз хъайитIа, килиг садра гъикъван суьгъбетриз худ гуз жезватIа. Виликдай якни чIем, техил ва маса продукция чкадал гъасилзавай. Тебиатдин михьи шартIара гъасилзавай продукция инсанар патални хийирлуни тир. Къенин йикъаз вил вегъейтIа чаз акъваза, къуьлелай башламишна, недай-хъвадай гзаф шейер маса улквейрай гъизва. Ам гъикI, ни арадал гъизвай продукция ятIа садазни малум туш. Гъелбетда жемят патарай гъизвай суьрсет чпин гъар йикъан яшайишда ишлемишуниз мажбур жезва. Вири къулайвилер чкадал гъиле гъатзавайвилей, акъалтзавай несилдиз зегъмет чIугъазни кагул жезва.

Вилик девирра Курхуьрел махарик квай игитрихъ жедай хътин зурба беден, вилегъвал авай **Мизелиф** тIвар алай кас яшамеш хъаналдай. Бязи делилри тестикулярзавайвал, халкъдин тереф хуьзвай Мизелифа, гьатта Деникинан казакрихъ галаз женгерни киле тухвалалдай. Хуьруьн жемятдин арада еке гъурмет къазанмишай ада вичин уьмуьрдин юлдаш Жейранханумахъ галаз Чехи хизанин кутуна. Къе заз и макъалада адан рухвайрикай сад тир **Абдуллагъаикай** ихтилатиз кIанзава. Ам 1928-йисуз дидедиз хъана. Уьмуьрди адаз гзаф дарвилерни четинвилер къалурна. Лап гъвечиIа чвалалай ам вичин бубадихъ галаз лежбервилер жуьреба-жуьре квалалахар тамамариз датIана чуьллерани багълара жедай.


- Пагъливандихъ жедай хътин гъаркъуь къуьнер, зурба гилер авай бубадин къамат зи вилерикай исятдани карагзава, - рикIел хкизва агъсакълди. - Ада гайи камаллу насигъатри заз зегъметдин къадир, уьмуьрдин метлеб чирна.

» Лап гъвечиIа чвалалай ам вичин бубадихъ галаз лежбервилер жуьреба-жуьре квалалахар тамамариз датIана чуьллерани багълара жедай

Буба килел аламачиз хизан хуьнин везифаяр хиве гъагай за, хуьре 9-класс куьтягъайла хуьруьн детдомда пичера цIаяр хъийиз са жуьреда кил хвена. Идалай гъейри, за ашпаздин куьмекчи язни квалалахна. Гъа икI вад йисуз зегъмет чIугуна, - давамарзава вичин суьгъбет Абдуллагъ бубади.

Огнида механизаторар гъазурдай училище ахъайнавайдакай хабар хъайи Абдуллагъ гъасятда аниз фена. Амма бес къадар ксар къабулнавайвилей адавай училищедик экечIиз хъанач ва ам шуьшедин заводда квалалахал акъвазна. Квалалахдихъ галаз сад хъиз, ада ина йифен мектебда 10-класс ва ругуд вацран тракториствилер курсарни куьтягъна. Гуьгъуьнлай Хасавюртдин механизаторар гъазурдай училище акъалтIарна ам вичин хайи райондиз хтана. Къасумхуьруьн МТС-да гъасятда квалалахни гъатна. Им 1956-йис тир. Са шумуд йисалай Абдуллагъ Мизелифов хайи хуьруьн Сталинан тIварунихъ галай колхоздиз хтана ва адал майишатдин руководстводи тракториствал ихтибарна. Низ чида къван колхозда квалалахай йисара Абдуллагъ бубади шумуд гектарра цанар цанатIа. Са кар якъин я, адан тариф вири райондиз машгъур хъанай. И делил Абдуллагъ буба лайихлу хъанвай “Зегъметда кьегъалвал къалурунай” медалди, СССР-дин Верховный Советдин Президиумдин къарардалди гайи “Зегъметдин баркалладин” II ва III дережайрин орденри, “Коммунизмдин зегъметдин кIвенкIевечи”, “Тежрибалу механизатор” тIварари, соцсеровнованийра гъалиб хъайила ганвай знакри субутзава.

Чехи Гъалибвилерин 50, 55, 60, 65-йисар тамам хъайила ганвай ва Ленинан 100 йисан юбилейдин медалрин сагъиб тир Абдуллагъ Мизелифовича вичин уьмуьрдин юлдаш Санятахъ галаз санал къуд рушни са гада Чехи авуна, уьмуьрдин шегъредал акъудна. Алай вахтунда лайихлу пенсиядиз экъечIна ял язавай Абдуллагъ бубадин гуьгъуьлар 14 хтулдини 5 птулди шадарзава. Къуй квехъ клубанвал ва яргъи уьмуьр хуьрай!



Са шумуд йисуз Россияда ва маса улквейра энергетикадин ва гражданский эцигунар киле тухвай Шихгъасанов Александр эцигунрин рекъай заказар гзаф хъана. Идахъ галаз алакълу яз, ада 2007-йисуз “ЮТЭКС сервис” ООО арадал гъана. Кархана ачу-

Карханади жуьреба-жуьре объект эцигиз вахкуз заказчикрин игътияжар килиз акъудзава. Ихътинбурукай яз Санкт-Петербургда 220 кВ-дин, Новгородский областда 330 кВ-дин куват авай подстанцияр къалуриз жеда. Алатай йисуз кар-

# Гъуьрметлу агъсакъл

ЗЕГЪМЕТДА ЗИРЕКБУР

Эбил БАБИРОВ

**ХАСАВЮРТ** райондин Къурушрин хуьре чпин гъалал зегъметдалди, михьи рикIелди, ачух гъилелди гъуьрмет къазанмишнавай агъсакълар гзаф ава. Ихътинбурукай садни **ГЪАФИЗОВ Сулудин** я.

Вини Къурушдал ирид йисан школа акъалтIарай Сулудинан рикIе ракъун рекъин машинист жедай мурад куькIвена. Дербентдин машинистар гъазурдай училище акъалтIарай Сулудиназ вичин рикI алай пешедай квалалахдай мумкинвал хъанач. Имни дагъвийр Хасавюрт райондин мулкарал куьн хъунихъ галаз алакълу тир. И кар себеб яз ада къени гъайиф чIугъазва. Цийи хуьр - цийи къайгъуяр. Хуьруьн майишат вилик тухун патал Хасавюрт



райондин Къурушрин хуьре бес къадар пешекарар авачир. Къве йисуз Буйнакска агрономвилер курсар кIелна хтай С.Гъафизова хейлин йисара уьзуьмлукхрин бригадада бригадирвал авуна. А йисара С.Гъафизова регъбервал гайи бригадади хъсан нетижаярни гузвай.

Гуьгъуьнлай ада Хасавюртда хуьруьн майишатдин техникумдин бухгалтерар гъазурдай отделенини акъалтIарна. А йисара С.Гъафизов пуд диплом гвай хуьруьнвийрикай сад лагъайди тир.

Хейлин йисара уьзуьмлукхра зегъмет чIугур Сулудина хуьруьн участковый больницада завхозвал авуна. Гъина квалалахнатIани, ада вич кар алакълдай, зегъметдал рикI алай инсан яз къалурна.

Уьмуьрда датIана зегъметдин ятIа хъайи С.Гъафизова вичин уьмуьрдин юлдаш Маралахъ галаз пуд хвани къуд руш уьмуьрдин шегъредал акъудна. Абур чпин хизанарни галаз улкведедин жуьреба-жуьре шегъерра яшамеш жезва. Хуьруьн къене еке гъуьрмет ва авторитет авай Сулудин Гъафизовахъ чандин клубанвал ва яргъи уьмуьр хуьн чи мурад я.







ИНСАН ВА АДАН КАР

Эдуард БАГЪИШЕВ,  
РД-дин лайихлу артист

# Дидедин ирс

**З**УН и рикӀиз хуш ақунар авай дишегӀлидихъ галаз гуьруьшмиш хьунал шад я. Ада къадим Дербент шерда кардик квай Азербайжанрин гостеатрда жуьреба-жуьре йисара актриса - режиссер, драматург яз кӀвалахна ва и кар къенин юкъузни давамарзава. Ингье адан тӀварни - **Якъут ХАНДАДШЕВА** я. Заз малум хьайивал, Якъут чи халкъдин машгур мандар, РД-дин халкъдин артистка **Дурия РАГЪИМОВАДИН** хайи велед я.

Эхъ, Якъут хайи дидедин гелера аваз феи ва адан ирс давамарзавай велед, сегьнедин халис устад я. Ада сифте Дербент райондин Кулътурадин кӀвале методиствиле кӀваахиз башламишна. Га са вахтунда Якъут вичихъ бажарагъ авай актриса яз га и кулътурадин макандин сегьнедиз экъчӀизни хъана. Ина лагайтӀа, гьакӀ азербайжан халкъдин театрни кардик квай. Искусстводин рекъе сифте камар къачузвай жегьил рушаз дидедин меслятарни бакара атана, нетижда ада и хиле агалкъунарни къазанмишиз хъана. Якъута милли театрдин сегьнедал жуьреба-жуьре къаматрал чан гъана. Вичиз гьӀи жуьредин роль ихтибар ийиз хъанатӀани сегьнедал гуьл хъанвай артисткади а роль тамашачийриз таъсирдайвал тамамари хъана. Инал ам къугъвай сегьнедин эсеррин тӀварар къунни кутугнава. ИкӀ, Якъута “Ирандиде” къемедада Афетан, “Зи папан гьуьл” тамашада Заритдин, “Шуьткъвенвай цуьквер” тамашада Перидин, “Севил” тамашада Севилан ва хейлин маса роларни чпел фикир желбдайвал кьиле тухвана. Эхъ, инал тӀварар къунвай къаматрал Якъута халкъдин театрд чан гъана. Сегьнеда жанлу ролар тамамарунилай гьейри, Якъута вичин гуьзел синалди халкъдин манияр ягьиз, художественный самодетельностдин, агитбригадайрин кӀвалахдани активдаказ иштиракиз хъана. Нетижда ам хейлин гуьрметдин грамотаириз, РД-дин кулътурадин министрдин патай пишкешриз, дипломриз лайихлу хъана. 1986-1987-йисара адаз РСФСР-дин



Га икӀ, милли театрдин сегьнеда Якъут Хандадашеваи санлай 40-далай виниз ролар тамарна. Га са вахтунда режиссер яз ада 10-далай виниз тамашар сегьнеламишни авуна. И жигетдай лишанлу кар ам жезва хьӀи, ада сегьнедал гьӀийи гьич са къамат, гьич са тамашани са гьӀхьтин ятӀани, критика авуник акатнач, акси яз, тамашачийри дидедин кар давамарзавай рушан алакьунар хушдиз къабулна. Белки им Якъутан бажарагъди цуьк акъудунин нетижани тир жеди.

Заз мад сеферда репетицияр тухудайла Якъута актеррихъ галаз ийизвай хуш рафтартвал, сегьнедин устаддин чалишмишвал мадни артух хьун кьейд ийиз кӀанзава. Бязи дуьшуьшра и ва я маса роль тамамарзавай актердиз Якъутан килигун бес я - актер адан гъавурда акъазва. Гуя сегьнедин устаддин вилик гуьзгуь хьӀиз атана сегьне ва адан вилер алай хейлин тамашачийр акъваззава.

Чна кьейд аувурвал, Якъут Хандадашеваи тамашачийри хушдиз къабулзавай эсерар неинки Дербент шегьерда, гьакӀ Азербайжандани сегьнедал гъана. Абурун жергедай яз, чавай мад сеферда Г.Оружван “Муьгьуббат гьеле яшамши жезма”, Ф.Эмирован “Намуслувал”, Г.Хугаеван “Зи ирандиде”, У.Гьажибегован “Гьуьлни паб”, А.Агьмедован “Жадупери”, А.Салигован “Вуж таъсирлу я” ва

Якъут сегьнедин искусстводал рикӀ алай гьакьисагъ зегьметчи я. Ам инанмиш тирвал, рикӀин сидкъидай искусстводиз вафалу тушир касдилай тамашачийриз къуллугъ ийиз алакьдач. Га икӀ, ада сегьнедин халис устадриз пешедин рекъий вичелай алакьдай вири жуьредин кумекарни гузва. И ва я маса тамаша патал актерар хкъайла, ам актердин бажарагъ жезмай кван фикирда къаз ва адаз виликди рекъ ачухиз чалишмиш жезва. Режиссер, драматург яз, Якъут Хандадашеваи республикадин конкурса иштиракзава ва ам дипломриз, гуьрметдин грамотаириз лайихлу хъанва.

Малум тирвал, яратмишунрин рекъе авай инсандин уьмуьрдин рекъ четин жедайди я. И кар, белки, сегьнедин устадар патал мадни четинди я жеди. Бязи дуьшуьшра тамашачийр сегьнедин эсеррин гъавурда акьун тавунни мумкин я. Амма РД-дин кулътурадин лайихлу работник Якъут Хандадашева и жуьредин четинвилер алудиз чалишмиш жезва. Ада вичин асул везифаирихъ галаз санал хейлин къадар общественный везифарни тамамарзава. Вичин вахтунда агалкъунралди Азербайжандин искусстводин театральний институт акьалтӀарай, кьве халкъдин баркаллу руша са шумуд сеферда чкадин телевиденидай литературадин передачарни гана. А передачарни килигзавай ва яб акалзавай тамашачийри хушдиз къабулна. Ада гьакӀ Дербент районда кьиле физвай вири жуьредин шад мярекатрани активдаказ иштиракзава. Ихътин мярекатар лагайтӀа, къадим Дербент шегьерда гьар йисуз кьиле физва.

# давамарзавай устад

миш жезма” тамашада Мегьрибанан, С.Рустамован “Вад манатдин свас” тамашада Наззанан, “Вун гьамиша захъ гала”, “Дурна”, “Аршин мал алан”, “Гьуьл ва паб” ва хейлин маса тамашарани кьилин ролар тамамарна.

Я.Хандадашевадин яратмишунрин биография девлетлуди я. Ам инанмиш тирвал, актерди гьамиша режиссердиз ихтибарна кӀанда. Режиссердиз лагайтӀа, сегьнедин эсер вири битавдаказ



Якъут репетицияда диде Дурнидихъ галаз

Якъут гьакӀ вичел “Гьед” тӀвар алай хизандин ансамблдин солисткани я. И ансамблдин регьбервални адан хайи диде, РД-дин халкъдин артистка Халкъарин дуьстилин ордендин сагьиб Дурия Рагьимовади ийизва. Инал зун гьакӀ Я.Хандадашеваи госдрамтеатрдин коллектив патал жегьил актерар гъазурзавайдакь рахазвач. Ада Дербентдин музучилишедин театрдин факультета муаллимвилени кӀвалахзава. Гьелбетда, и факультета адан устадвилин чешнедикай вини дережада менфятни къачузва.

Якъут Арифовна Хандадашева театрдин художественный советдин член, РФ-дин театрдин деятелрин Союздин векил, зегьметдин ветеран я. Ам РФ-дин профсоюзрин Гуьрметдин грамотадизни лайихлу хъанва.

Ингье артистка, режиссер, драматург Якъутакай театрдин музыкадин частунин заведующий, РД-дин лайихлу артистка **Севда БЕЙБАЛАЕВАДИ** вуч лугьузватӀа:

- Заз рикӀин хушвилелди а кар кьейд ийиз кӀанзава хьӀи, сегьнедин устад чи баркалла руш Якъут неинки хайи коллективда, гьакӀ вишералди тамашачийри вичиз еке гуьрмет ийизвай ва а гуьрмет гьакьисагъ зегьметдалди къазанмишнавай актриса я. Адаз вич элкьвена къунвай вири инсанар бахтлу ва тӀебиатни женнетдин багъ хьӀиз гуьзелди хьун рикӀин сидкъидай кӀанзава. Гъавилай Якъута “Хвейиди” телефильмда кьилин роль тир Сагьибдин къаматдални чан гъана.

» Милли театрдин сегьнеда Якъут Хандадашеваи санлай 40-далай виниз ролар тамарна. Га са вахтунда режиссер яз ада 10-далай виниз тамашар сегьнеламишни авуна

халкъдин яратмишунрин фестивалдин лауреатвилени тӀварни гана. Якъута 1987-йисуз Москвада кьиле феи Вирисоюздин гьевескарин яратмишунрин фольклордин суварикни Дагьларин улкведин сегьнедин устаддин жергеда аваз иштиракна.

Якъут Хандадашеваи яргал йисара халкъдин театрд кӀвалахунихъ галаз санал и театрдин коллектив патал са шумуд сегьнедин эсерни теснифна. 1998-йисалай ада Азербайжанрин госдрамтеатрдин актриса яз ва режиссервилени кӀвалахиз хъана. И девирда ада гьакӀ тамашачийри хушдиз къабулдай хейлин ролар неинки Дагьустандин, гьакӀ Азербайжандин сегьнейрани тамарна. И жергедай яз Г.Оружван “Муьгьуббат гьеле яшам

аквазва. Гъавилай ада актердин роль тамашачийриз таъсирдайди хьун патал вири жуьредин чарарни аквазва. Артистка яз Якъута гьич садрани вичел тапшурмишнавай роль кьиле тухудай репетицияр ийидайла, кагьулвал къалурайди туш. Ам вичел ихтибарнавай къамат вири терефрихъай чешнелуди яз сегьнедал гьун патал алахъзава. Гьелбетда, сегьнедин устаддиз са акьван хуш авачир роларни хьунухъ тӀебии кар я. Ихътин дуьшуьшрани Якъута, вичел ихтибарнавай роль бажарагъдин таъсирдик кутуна, жезмай кван маналуди хьун патал чалишмишвал ийизва.

Зи фикирдалди, артисткадиз хьӀиз Якъутаз вичи бажармишзавай игитдин къамат анжах са терф къалурун хас туш. Белки гъа-

вилай ада тамамарзавай гьар са роль уьмуьрдай къачунвай гьакькьӀи делилралди ва лишанралди девлетлуни я жеди. А ролар актрисади гьевесдивди тамамарзава.

маса тамашар, пуд паюникай ибарат тир “Яшамши хьухъ, зи халкъ”, “Мад сеферда муьгьуббатдикай”, “Наврз - зи гатфар”, - музыкадинни поэзиядин композиция къалуризе жада.



















# Лезги азет

УЧРЕДИТЕЛАР:  
РД-дин Халкъдин Собрание,  
РД-дин Гьукумат

КЪИЛИН РЕДАКТОР  
А. У. САИДОВ  
Тел/Факс: (872-2) 65-00-60  
E-mail: lezgiGazet@yandex.ru

КЪИЛИН РЕДАКТОРДИН  
ЗАМЕСТИТЕЛЬ  
Ш. Ш. ШИХМУРАДОВ  
65-13-55

КЪИЛИН РЕДАКТОРДИН  
ЗАМЕСТИТЕЛЬ -  
ЖАВАБДАР СЕКРЕТАРЬ  
Д. Б. БЕЙБАЛАЕВ  
65-00-61

**ОТДЕЛРИН РЕДАКТОРАР:**

ПОЛИТИКАДИН  
Н. М. ИБРАГЪИМОВ  
65-02-81

ЭКОНОМИКАДИН  
Ж. М. САИДОВА  
65-00-59

КУЛЬТУРАДИН  
К. М. КАЗИМОВ  
65-00-58

ЛИТЕРАТУРАДИН  
М. А. ЖАЛИЛОВ  
65-00-64

ЯШАЙИШДИН ВА ЧАРАРИН  
А. Х. ГЪАМИДОВ  
65-00-63

БУХГАЛТЕРИЯ  
65-00-62

ЖАВАБДАР КОРРЕКТОР  
М. МАГЪАМДАЛИЕВА

ВЕРСТКА ИЙИЗВАЙДИ  
Ш. ФЕЙЗУЛЛАЕВА

НУМРАДИН РЕДАКТОР  
Р. РАМАЛДАНОВА

Чап ийиз вахкана сятдин 20.00

Газет "Лезги газетдин" компьютеррин базада гъазурна.

Газет "Логос" ООО-дин типографияда чанна.

367000, Махачкъала,  
Пушкин куьче, 6.

## Тираж 11643

Максалаяр редакцияди туькуьр хъийизва. Максалайриз рецензияр гузвач ва абур элкьвена вахкузвач. Редакциядинни максалайрин авторрин фикирар сад тахун мумкин я.

Газет массовый коммуникациярин хиле закондательстводал амал авунал гуьзчивал авунин ва культурадин ирс хуьнин рекьяй РФ-дин Федеральний къуллугдин Киблепеган федеральний округда авай Управлениди регистрация хъувунва.

ПИ № ФС 10-6468 2007-йисан 26-январь

РЕДАКЦИЯДИН АДРЕС:

367018, Махачкъала,  
1 Петрдин проспект, 61,  
7-мертеба.

Гь - И лишандик квай материалар гьакьидихъ чапзавайбур я.

**НАШИ РЕКВИЗИТЫ:**

ГУ "Редакция республиканской газеты "Лезги газет"

КБСР "Дагестан" ООО г. Махачкала  
Кор. сч. - 3010181050000000769  
Рас. сч. - 40602810200000000320  
БИК - 048209769  
ИНН - 0561051314  
КПП - 057001001

Гь

## Мубаракрай!

Вичин ери-бине Сулейман-Стальский райондин Кьулан Сталдилай тир, МВД-дин Чечен Республикада авай силсидин управленида контрактдин бинедаллаз ст.силсичивиле кьвалахзавай юстициядин подполковник Назлуханум ПИРИСМАИЛОВАДИЗ:



*Къанун-къайда хуьнин рекье  
Къалурзавай алакьунар.  
Ви тIвар ава даим кIвенкIе,  
Къазанмишиз агалкъунар.*

*Гъахъсузвилез тийиз икрам  
Намус, эдеб силлагъ я ви.  
Бахтлу уьмуьр къуй хъуй  
давам,  
Сад тир Аллагъ панагъ я ви.*

*Виш йисарихъ физвай рекьер,  
Берекадин нурарик хъуй!  
РикIиз чими, икъван иер,  
Вун гъамиша суварик хъуй!*

ВАЗ ЮБИЛЕЙ РИКИН СИДКЪИДАЙ МУБАРАКЗАВАЙ ДИДЕ-БУБА, ВАХАР, СТХАЯР, СУСАР, ЕЗНЕЯР, ВИ КЪЕГЪАЛ ХВА ВА ГЪАКИ ВИРИ БАГЪРИЯР.

Меъгарамдхуьруьн райондин Цийи Филерин хуьруьн юкъван школада 46 йисуз аялриз чирвилер ва тербия гайи БАБАЗАДЕ Тельман Эседуллаевичаз Россиядин Федерациядин илимдинни образованидин министерстводин патай гайи "Гъуьрметдин грамота" мубаракзава

Адахъ чандин сагъвал, шадвал, Гъамиша жегъилриз несигъатар гуз яргъалди яшамш хъун чи мурад я.

*Шумуд сара тарсар гана,  
Ял ягъ тийиз кIвалахна на.  
Ви гъар са югъ экуь хъурай,  
Сагъвал, шадвал галаз, буба.*

*Хуьре, кIвале гъуьрмет авай,  
Муаллим я чакъ авай са.  
Чна валди дамахзава.  
Вун гъакъван чаз кIан я буба.*

МУБАРАКЗАВАЙБУР:  
РУХВАЯР, РУШАР, ХТУЛАР,  
ЕЗНЕЯР.



Утерянный аттестат о среднем (полном) образовании за №102880, выданный в 1992 году Ашага Стальской СОШ Сулейман Стальского района РД на имя АБДУЛГАМИДОВОЙ Заремы Алибековны, считать недействительным.

Утерянный аттестат об окончании 9 классов серии А за №034018, выданный в 1993 году Аламишинской (Эминхюрской) СОШ Сулейман Стальского района РД на имя ИСМАИЛОВОЙ Мальвины Фахрудиновны, считать недействительным.

**"ЛГ"-дин 1-нумрадиз акъатай чайнворддин жавабар:**

1. КеретI. 2. Тебиат. 3. Туьнбуьгъ. 4. "Гъакъикъат". 5. Туьтуькуьш. 6. Шкъакъвал. 7. Лагълагъчи. 8. Ислен. 9. Назбалич. 10. Чуьхвер. 11. Регъим. 12. Мажиб.

## Ишреф таша

### ГЪИНАЙ АТИАНА?


Аялди са чанта чуьхверар хканвай. - Къуншидин багъдай... Ам кIевиз ксанвай,  
- Гъинай на атиана икъван чуьхверар? За чанта ацIурна, акъахна хилерал.

### МАЛУМАТ

26-январдиз, йикъан сятдин пудаз, Расул Гъамзатован тIварунихъ галай Милли библиотекада **Алирза САИДОВАН** 80 йис тамам хъуниз талукъарнавай поэзиядин вечер жеда. Буюр, ша!

## Кроссворд (6 гъарф)

Туькуьрайди - Салигъ ИБРАГЪИМОВ



1. Саврен кIвал. 2. Къиле гъатдай тIал. 3. Шейэр багъаз гудай кас. 4. КIаз. 5. Лезгийрин хуьрек. 6. Гъамиша, акъваз тийиз. 7. Школада гъална кIанзавай месэла. 8. "Бахтлу аялвал" ансамблдин руководитель Матаеван тIвар. 9. Сихил. 10. Са кардиз ихтияр тагун. 11. Дуьгъуь ргай яд. 12. Гъажибугъда (синоним). 13. Агъа. 14. Ажайиб. 15. Шекердал ргана емишрикай ийидай шей. 16. Масанай куьч хъанвай кас. 17. Язух (синоним). 18. Аял хазвайдаз куьмек гузвайди. 19. Чилик кIевнавай къзилар, пулар. 20. Гъавайда. 21. ЧкIай чкаяр. 22. Цлаз ядай гам. 23. Нез тежедай гатун хали (кульуь). 24. Мехъер, межлис къиле тухузвай кас.

## Камалдин хазинадай

Ишреф ЖАВАТОВ

*Уртах кIвали мукъвабур  
душманриз элкьуьрда.  
Часпардилай анихъ галай  
векъ гзаф къацуз аквада.  
Исанри гъатта гурлу кучу-  
кунрални пехилвал ийида.  
Дустуниев пул бурж вугайди  
пулунивайини, дустунивайини  
жеда.  
Девлетлудавай тIалабдал-  
ди кесибдиз це дуьгун хъсан я.  
Гъар са цIийи законди цIийи  
амални чирда.*

Культурадин "Къуруш"  
тешкилатди  
Шагъмурад МАКСИМОВ  
рагъметдиз финихъ галаз ала-  
къалу яз адан хизандиз, вири  
мукъва-къилийриз ва багъ-  
рийриз башсагълуьгвал гузва.

## Уникальная Акция!

От Главного Дагестанского телеканала  
РТВК - «ДАГЕСТАН»



### Выиграй телевизор нового поколения!

Скажи, что ты хочешь смотреть в этом году?

Какие фильмы? Какие передачи?

А главное, предложи свою оригинальную идею и получи 3D телевизор и комплект «Триколор ТВ»!

Отправь СМС на номер 2880 РГВН пробел ТЕКСТ...

**ЦЕНА СМС – 5 рублей!**

Участвуй в создании ТЕЛЕВИДЕНИЯ БУДУЩЕГО!